

Oké Take Away

Nos Special
Cuminda
Criojo

565-3232

S ILO
Prijs
1.25
Di Pueblo
BRIYANDÓ FUERTE • TRECIENDO CLARIDAD
Diasabra 19 Augustus 2023

Oké Take Away

Habri desde awe
di 6.30 atardi pa
10.30 anochi

Cu menu popular y cu
saucenan spectacular

LANCHA A YEGA COSTA Y ILEGALNAN A SUBI TERA PARIBA DI ARUBA



**MINISTER ENDY CROES TA FELICITA
PARA- ATLETA EDGAR RIDDERSTAP
PA SU HAZAÑA NA UCI WORLD
CHAMPIONSHIPS 2023 NA GLASGOW
ESCOSIA**



**INAUGURACION OFICIAL DI
OBRA DI ARTE PUBLICO PA
CONMEMORA 100 AÑA DI
AVIACION NA ARUBA**



Charla riba merkado laboral inklusivo Lo eksplorá enfokenan nobo

Willemstad, 18 di ougùstùs 2023 – Na un momentu di reflekshon mundial riba inklushon di merkado laboral, Kòrsou ta prepará pa dal un paso importante. Un charla, ku lo tuma lugá djaweps 31 di ougùstùs próksimo den auditorio di Universidat di Kòrsou (UoC) ta primintí di eksplorá den profundidat e tema aki, bou di e título: ‘Promoviendo un merkado laboral inklusivo na Kòrsou: eksplorando enfokenan nobo’.

E charla aki, ku ta un inisiativa di Organisashon Internashonal di Trabou (ILO), Konseho Sosial Ekonómiko di Kòrsou (SER), UoC, Alto Komisariado di Nashonnan Uní pa Refugiadonan (UNHCR) i Human Rights Defense Curaçao (HRDC), lo brinda un foro pa interesadonan sigui amplia riba e tema.

John Blik, ku ta un distinguido miembro di e ekipo di trabou desente di e ofisina di ILO pa e region di Karibe, lo ta e oradó prinsipal. Ta spera ku su ideanan i análisis riba igualdat di oportunidat lo guia un debate fruktífero i reflektivo.

E charla aki ta yega na un momentu krítiko kaminda tin atenshon mundial pa inklusividat riba merkadonan laboral. E evento aki, ku lo tuma lugá di 09:00 pa 13:00, lo ofresé un plataforma pa reflekshoná riba integrashon di e koriente global aki den e konteksto spesífiko di Kòrsou. E idioma di trabou lo ta Ingles, pero tin e posibilidat di intervení na Papiamentu o Hulandes, loke ta hasi e evento aki unu relevante tantu riba eskala lokal komo internashonal. E organisadónan ta aspirá un diálgo diverso, animando e partisipantenan pa eksplorá reto- i oportunidatnan pa sigui promové un merkado laboral inklusivo.

E evento aki lo representá mas ku un mero ehersisio akadémiko. E lo ta un paso konkreto den sigui fortalecé i promové un vishon integral pa Kòrsou, teniendo na kuenta e dinámika lokal i e panorama internashonal mas amplio. Interesadonan den e charla por tuma kontakto via inclusivelabormarkets@gmail.com pa mas informashon. E charla ta prometé di aportá na esfuersonan pa sigui konfigurá merkado laboral di Kòrsou, hasiendo esaki mas aksesibel i kreando oportunidatnan nobo pa tur ku ta habitá e isla.

MINISTER XIOMARA MADURO TA PRESENTA OTRO PROGRAMA INFORMATIVO TOCANTE HISTORIA DI SCLAVITUD NA ARUBA

Oranjestad – Minister Xiomara ta informa cu e Serie di Programa informativo tocante sclavitud ta continua. Esaki ta den cuadro di e 160 Aña di Conmemoracion di Abolicion di sclavitud den Reino Hulandes. E biaha aki e programa ta trata historia di migracion di catibo na Aruba.

Archivo Nacional Aruba (ANA) ta e departamento cu ta warda y cuida nos archivonan, documentonan, potretnan, videonan, cu tin un balor historico pa nos Pais Aruba. ANA tin un gran cantidad di archivo di tempo di sclavitud na Aruba, pruebanan cu na Aruba tabatin catibo. Nos expertonan na ANA ta analisa y interpreta e archivonan aki y a acumula storia di e catibonan cu tabata residencia akinan.

Edric Croes, Hefe di conservacion y preservacion di archivo na Archivo Nacional



Aruba ta bay comparti cu nos un storia cu ta cubri varios aspecto di tempo di sclavitud na Aruba. Un storia cu a wordo compila door di analisa varios archivo.

Minister Xiomara ta invita pueblo en general

pa sintonisa Telearuba dialuna, dia 21 di augustus pa 7’or di anochi y DiarioTV, diamars dia 22 di augustus 2023 pa 8’or di anochi pa otro programa informativo di historia di sclavitud na Aruba.



Peticion pa aprobacion di un plan di parcelacion na Savaneta conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia **21 augustus 2023** durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Desaroyo Teritorial, Infraestructura y Medio Ambiente pa medio di e director di DIP.



Peticion pa aprobacion di un plan di parcelacion na Hooiberg conforme art. 33 di e Ordenanza di desaroyo teritorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia **21 augustus 2023** durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Desaroyo Teritorial, Infraestructura y Medio Ambiente pa medio di e director di DIP.



TA BUSCANDO TESTIGO DEN ACCIDENTE FATAL DEN HAVENSTRAAT

Riba 14 di juli 2023 pa mas of menos 10:50 di anochi tabatin un dalmento entre dos auto den Havenstraat na Oranjestad. Den e accidente aki un di e chofernan lamentablemente a perde su bida. Tras di e dos autonan tabatin un chauffeur di brommer ta bin, cu probablemente tabata testigo di e accidente. Ta pidi e chauffeur di brommer como tambe e dama bisti na blanco para riba trottoir pa tuma contacto cu polis.

Koninklijke Marechaussee

ta investigando un accidente di trafico cu consecuencia fatal cu a tuma lugar den Havenstraat na Oranjestad. Alavez ta haci un suplica si tin mas testigonan cu a wak e accidente, pa tuma contacto mas pronto cu ta posibel cu tiplijn di polis of por manda un whatsapp na polis di trafico.

Bo tin informacion tocante e accidente? Bo por yama e tiplijn di Polis cu ta 11141. Of bo por manda polis di trafico un Whatsapp via number 5975191.



Lancha a yega costa y ilegalnan a subi tera pariba di Aruba



Diahuebs den careda di 8or pa 9or di anochi radar di kustwacht a capta un boto biniendo for di zuid dreitando awanan teritorial di Aruba direccion pariba. Di biaha a mobilisa e helicopter di kustwacht cu tabata bula for di trempa y a pone un team grandi di personal di kustwacht cuminsa cu buskeda na pia. A cana full e area di grapefield bay nort.

A perde e contacto pariba di grapefield y durante

buskeda na pia a topa cu e boto pega na canto y cu basta lifevest benta abou direccion baranca unda polis a topa cu esakinan.

Eynan a cuminsa cu buskeda na pia hunto cu Polisnan den full e area y tabatin e helicopter di Polis tambe cu a cuminsa cu un buskeda grandi den e area.

Segun informacion cu nos a ricibi por ta trata di varios ilegal cu lo a subi tera debi na e vestnan cu a wordo haya.



Prome Minister Evelyn Wever-Croes:

GOBIERNO DI ARUBA, TRAHANDO SEMPER NA BIENESTAR DI NOS MUCHANAN

Scol Soeur Juliette a habri aña escolar cu 38 airco nobo

Aruba por a tuma nota, via un conferencia di prensa di Gobierno, cu e proyecto tan anhela di instala airco na Scol Soeur Juliette a wordo finalisa. Tabata na Juni 2022, cu Prome Minister Evelyn Wever-Croes hunto cu Minister di Enseñansa Endy Croes a bishita e scol, y a haci un promesa, di haci tur loke ta na nan alacanse pa logra cu e scol aki por haya su airconan. Esaki sigur no tabata un trabou facil, pero cu dedicacion y positivismo, awe a logra cu e docentenan y muchanan por a habri un aña escolar nobo cu airco den nan klas,

Prome Minister a expresa di ta sumamente contento cu un biaha mas, Gobierno por a yuda cumpli soño di un scol. Esaki sigur ta un momento di hopi emocion pa e docentenan y muchanan, ya cu pa hopi aña, nan mester a duna y tuma les den klasnan cu tabata hopi calor. Especialmente ultimo tempo cu e clima a cambia y e calor ta inmenso. Despues di hopi espera y retonan, awe e scol ta goza di 38 airco nobo cu a wordo instala pa asina alivia e calor, y haci e ambiente den klas uno hopi mas agradabel.

Premier Wever-Croes ta gradici na prome luga, Minister Endy Croes pa su gran esfuerzo y dedicacion na bienestar di enseñansa. Tambe na cabesante saliente Sra. Joselyne Oduber - Jacobs cu tabata e motor tras di e proyecto aki, y tur e docentenan y alumnonan pa nan pasenshi pa cu proyecto aki por a keda cla. E ta Gabinete Wever-Croes II su compromiso pa traha na bienestar di nos muchanan, y nos maestronan, cu ta e motor pa guia nos yiunan pa mayan nan tin un miho futuro. "Mi ta sumamente agradeci na tur esnan cu a haci e soño aki posibel. Mi ta desea e muchanan, maestronan y e cabesante nobo sra. Nathalie Chung hopi exito pa cu e aña escolar 2023-2024" Prome Minister a expresa.



Renobacion edificio biblioteca na Playa casi cla



Actualmente DOW ta verf e edificio di biblioteca na Playa tanto pafo como paden. Esaki ta casi cla. Danki na curador sr. Renwick Heronimo pa e escohencia di color atractivo cu ta representa e bunita colornan di Aruba su barancanan y piedranan. Artista Robby

Solognier a haci un bunita trabou riba muraya di biblioteca. Robby ta un empleado creativo di Biblioteca Nacional Aruba cu a percura cu e aña escolar nobo biblioteca tin un otro cara.

Biblioteca a haya bentana-y portanan di aluminium nobo. Actualmente ta drecha e dak na e parti di e entrada. Na biblioteca nan ta contento cu e proyecto grandi ta casi cla. Falta algun detaye ainda pero e ta bayendo bon.

Un aña escolar nobo

Biblioteca ta haci un apelacion na tur su miembronan, estudiante y alumno di scol cu a fia buki na biblioteca pa entrega esakinan. Nos ta na cuminsamento di un otro aña escolar y biblioteca ta pidi tur su miembronan pa hiba bukinan bek cu a fia, pa asina por ofrece

esakinan na otro miembro pa e aña escolar 2023-2024. Asina nos tur por disfruta di e coleccion, circula y lesa e bukinan. Biblioteca no ta cobrando boet actualmente y ta habri di dialuna pa diabierna. Miembronan hoben y adulto por fia 4 buki pa un luna largo! Miembrecia gratis pa tur mucha y hoben

Nos a introduci miembrecia gratis na 2023 pa tur mucha y hoben bou 18 aña. Nos ta invita bo bin biblioteca cu bo yiu, sobrina, primo y haci nan miembro di biblioteca! Pakico? Pa tur mucha y hoben por explora un coleccion grandi di storia y buki riba tur topico of lesa revista. Banda di e coleccion na biblioteca, nos ta ofrece tambe un coleccion di buki Ebooks y Audiobooks. Tin hopi espacio pa traha



riba computer, busca informacion riba Internet y ademas tin WIFI pa por usa bo Smartphone, tablet y laptop. Mucha y hoben

ta bon bini pa traha riba tarea di scol sea individual of den grupo. Pa registra como miembro por fabor trece un ID valido.

Banco di Caribe a haci donacion na Fundacion Pa Nos Comunidad pa uniform di scol

Diabierna ultimo e director di Banco di Caribe, Sr. Giovanni Croes, a haci entrega di varios "gift bon" na directora di Fundacion Pa Nos Comunidad (FPNC) Sra. Gianaika van der Biezen. E "gift bon" aki lo wordo reparti na e muchanan cu ta registra na FPNC bishitando 4 diferente scol, cual ta Pius X, Fatima College, Felipe B Tromp y Colegio Bon Bini.

Tur aña e necesidad pa material y unifom pa scol ta creciendo y pa nos muchanan por cuminsa nan aña escolar bon prepara, Banco di Caribe a opta pa duna un man y regala varios mucha di diferente scol un bon pa nan por buscanan uniform. Cu e "gift bon" aki un mayor por busca 2 polo shirt, 1 carson cortico y 1 t-shirt pa haci gym.

Fundacion Pa Nos Comunidad ta yudando aproximadamente

300 - 350 famia den necesidad, cu pakete di alimentacion pa e ultimo 14 añanan. FPNC su mision ta preveni y combati pobreza, stress emocional y exclusion social. E fundacion ta promove participacion, cuido di pobreza y bienestar general na Aruba desde 2009. Como un "non-profit organization" fundacion ta depende completamente di fondo y donacion, pa por keda opera. FPNC ta traha cu mas di 40 otro organisacion social riba e isla di Aruba. Organisacionnan manera: Departamento di Asuntonan Social (DAS), Fundacion Cas Pa Comunidad Arubano (FCCA), Wit Gele Kruis (WGK) etc. E fundacion ta opera cu personal full-time emplea y boluntario, cu ta compromete pa yuda nos comunidad, particularmente e famianan den necesidad cu ta registra pa alimento y articulonnan



di necesidad basico.

E compromiso di Banco di Caribe cu e comunidad Arubano ta consistente y ya pa hopi aña caba diferente fundacion y organisacion na Aruba por conta cu nan sosten. E banco ta desea tur hoben un aña escolar contento y educativo.

Riba e fotonan adhunto por mira unda director di Banco di Caribe Sr. Giovanni Croes y Marketing Officer Sra. Sue-Lan Liao Jen ta haci entrega di e "gift bon" na directora di Fundacion Pa Nos Comunidad Sra. Gianaika van der Biezen y e trahado social Sr. Gabriel Marchena

MINISTER ENDY CROES TA FELICITA PARA- ATLETA EDGAR RIDDERSTAP PA SU HAZAÑA NA UCI WORLD CHAMPIONSHIPS 2023 NA GLASGOW ESCOSIA

Prome biaha cu Aruba a participa den mundial di para-ciclismo



: Diahuebs atardi, Minister Endy Croes a ricibi para – atleta Edgar Ridderstap na aeropuerto Reina Beatrix. Na su yegada Edgar a wordo ricibi pa su famia- y amistadnan cu yen di alegria y entusiasmo. Edgar ta un multi- atleta cu ta practica e disciplina di ciclismo, “mountain bike” y triatlon. Sin duda Edgar ta un inspiracion y ehempel pa nos comunidad. Recientemente, Edgar a competi na e mundial di para- ciclismo UCI World Championships 2023 cu a tuma lugha Glasgow, Escosia. Un total di 15 pais y 25 atleta a participa. Ta prome biaha cu Aruba a participa den un competencia mundial di para – ciclismo di e magnitud aki. Edgar a

comparti su experiencia na e campeonato mundial aki. Sigur un competencia inolvidabel y un experiencia unico unda cu Edgar a siña hopi di dje. Segun Edgar a indica e no tabata un competencia facil, door cu nos no ta custuma cu e diferente condicionnan di clima, entre otro, tabata hopi friu, hopi awasero y tabatin hopi sero. Sigur imposibel e no tabata pa Edgar cu no a para y a sigui te final. Edgar a logra caba su recorrido di 66 km den bon tempo.

Minister Endy Croes ta felicita Edgar Ridderstap cu e hazaña aki na e competencia di UCI World Championships 2023. Alabes mandatario di Deporte ta felicita famia- y



coachnan cu ta sostene disciplina, determinacion y ta orguyoso di bo Edgar. nos atleta. Cu deseo, dedicacion ta logra. Aruba Conta cu nos sosten!



Corona Upholstery
estableci na aña 1997



Ta fura tur tipo di mueble europeo, americano, recliner y tambe furo di auto. Ta verf tur set di comedo. Trabou y calidad 100% garantisa!



7311105
5611809

SPECIAL OFFER



Ta mira bek un aña di hopi cambio

1 AÑA DI RAMON ARNHEM NA CABES DI KPA



MACUARIMA, ARUBA: “Mi ta mira un aña di hopi cambio den KPA” tabata e prome reaccion di satisfaccion di altocomisario di polis drs. Ramon Arnhem.

Ken ta drs. Ramon Arnhem?

Drs. Ramon Arnhem ta un tata y tin un famia. Arnhem a traha pa mas cu diez aña den Korps Politie Nederland. E tabata tin un funcion importante di hefe pa e distrito di IJsseland na Hulanda. Bou di su funcion e tabata dirigi y

lidera un distrito grandi cu mas o menos 800 polis trahando den diferente warda pa mantene e seguridad di un comunidad cu basta habitante.

Huramentacion

Drs. Ramon Arnhem a dicidi di tuma un reto nobo den su carera pa por guia un Cuerpo hoben y dedica. Hunto cu su famia ela bin biba na Aruba y huramenta dia 15 di augustus 2022. Desde e fecha aki ela tuma e timon di Cuerpo Policial Aruba pa asina por yuda eleva e cuerpo pero tambe



trece su vision y mision pa e organisacion.

Aceptacion

Mi a wak y sinti cu e cariño con mi a wordo acepta pa e comunidad di Aruba por tambe como altocomisario di Polis. Tanto e ciudadano y coleganan policial a lagami sinti mi na cas. Asina mes mi a sigui curso pa siña y compronde papiamento pero tambe e cultura di Aruba. M tai sintimi cu satisfaccion di por sirbi e Pais aki, e ta un sintimiendo cu no tin palabra p’e. E palabranan di sosten di e bon arubianonan a lagam sinti mi hopi aprecia na Aruba.

E vision

Pa KPA e meta di mas importante pa Arnhem ta e “union” un palabra cu un nificacion pa asina por a uni henter un organisacion. Hunto

den union y yudando otro nos por bay dilanti logra metanan grandi y pesey hende ta central pa Arnhem.

1 aña na cabes

Hopi trabou, hopi desaroyo hopi cambio a sosode. A scucha e personal, a pone e vision, a inverti y duna balor na cada personal. A habri klas pa HKO, KO y dentro di poco lo recluta studiantenan pa bira polis. A inverti den cursonan y estudionan policial, materialnan nobo y a haci entrega di diferente decreto gubernamental.

Futuro di Cuerpo Policial Aruba

“Rentmeesterschap” un palabra grandi pero tin un nificacion balioso y hopi importante pa KPA. E no ta bay pa cu ami, abo of cada persona individual ta

importante pero e ta bay pa e trabou cu nos ta laga atras pa e futuro generacion y pa e organisacion. Traha un caminda solido y lage atras pa e generacion cu ta bin! Sigui traha pa bienestar di tur agentenan policial. Cada polis mester sinti nan mes sigur y bon den KPA pa asina por sigui brinda e mihor pa nos comunidad. Nos mes ta bon internamente pa asina nos por haci lo mihor externamente. E seguridad di nos comunidad tambe ta importante manera: trafico, criminalidad, nos cuidadananon, turistanan y animalnan tur ta forma parti di nos comunidad.

E trabou no a caba. Tin hopi mas pa bay pa asina KPA por keda den desaroyo positivo pa bienestar di e personal tambe pa Pais Aruba.

Inauguracion oficial di obra di arte publico pa conmemora 100 aña di aviacion na Aruba



- Durante un ceremonia oficial cu a tuma luga diabierna dia 18 di augustus mainta den presencia di Minister di Transporte Ursell Arends y CEO di Aeropuerto di Aruba Joost Meijs conhuntamente cu demas invitado a devela un arte publico riba Linear Park, net dilanti di Aruba Bank Camacuri. E obra di arte ta crea pa Gilbert Senchi. E obra tin un total di 10 meter di altura y ta conmemora e aterisahe di e prome sea planes na Aruba dia 18 di augustus di aña 1923 y ta fungi como un milestone conmemorativo na honor di e 100 aña di aviacion na Aruba.

Un grupo chikito di mandatario, sponsor y invitado a reuni na Linear Park cerca di e luga caminda a construi e prome sitio di aterisahe oficial na aña 1935. Den e area aki, cu antes tabata yama Baca Morto, por

topa cu e obra di arte net memey caminda tur hende por pasa mira.

Durante e ceremonia di inauguracion a laga tur e invitadonan mira un video caminda a demostra e rikesa di historia di 100 aña di aviacion na Aruba, sigui pa e discursonan di CEO di Aeropuerto di Aruba Joost Meijs, Minister di Transporte Ursell Arends y Deputy Director di Department of Civil Aviation Aruba (DCA) Anthony Kirchner. E discursonan a reconoce e contribucion cu aviacion di economia local, ademas di enfatisa riba e importancia di preserva e patrimonio aeronautico a traves di instalacion di e arte publico cu recientemente a inaugura.

Gilbert Senchi, kende ta un artista local, tabata encarga pa crea un obra di arte cu ta fungi como

un monumento cu ta conmemora 100 aña di aviacion na Aruba. Senchi tabata ocupa riba e obra aki durante seis luna, trahando e modelo y dunando forma na e materialnan di brons y hero pa e obra di arte di 10 meter di altura, tur esaki a sosode na su tayer di arte situa na Colombia. Despues el a welder y compila e structura di 4.000 kilogram den un tayer local na San Nicolas. E altura di e obra di arte ta representa 10 decada di e historia di aviacion na Aruba, mientras cu e estatua di hero den forma di e rabo di un avion ta representa e futuro di aviacion y e replica di brons di e avion Curtiss-H16 riba e structura ta rindi homenahe na e prome aterisahe na Aruba cu a sosode 100 aña pasa.

E develacion oficial di e obra di arte tabata den man di Minister di Finansa y Cultura Xiomara Maduro, Minister di Turismo y Salud Publico Dangui Oduber, Minister di Transporte, Integridad, Naturalesa y Asuntonan di Adulto Mayor Ursell Arends, Anthony Kirchner, Joost Meijs y e sponsornan cu a haci esaki posibel. E instalacion di e arte ta un regalo pa comunidad di Aruba y ta posibel danki na Aruba Airport Authority cu colaboracion di Gobierno di Aruba, AHATA, ANSA, ATA, De Wit Stores N.V., Dufry Aruba N.V., y One Happy Bar N.V. Despues cu a termina cu e ceremonia, a yama tur e empleadonan di AAA pa bin dilanti di e obra di arte pa saca un potret conmemorativo, tur e trahadonan di AAA tabata bisti cu un polo special pa



e ocasion di celebracion di 100 aña di aviacion.

Tocante AUA Airport

AUA Airport ta un di e aeropuertonan mas ocupa den region Caribe cu mas di 22 diferente aerolinea operando pa Aruba contribuyendo na mas cu 2.5 miyon pasahero pa aña y cu buelonan pa 22 diferente ciudad 34 diferente destinacion directo rond di mundo. Di e mercadonan u AUA Airport ta sirbi 77% ta for di Merca y Canada, 13% for di Latino America, 6% for di Europa y 4% for di Antia Hulandes te cu juli 2023. AUA Airport ta reconoce cu esaki ta danki na e economia stabiel, clima politico, hospitalidad, poblacion diversifica y siguridad general di nos isla. AUA airport su aspirashon ta pa bira un di e airportnan den region Latino Americano & Caribense mas Sostenibel, Sigur y A prueba di Futuro, brindando un luga di trabou confiabel,



facilidadnan di airport moderno y un servicio excelente cu ta refleha hospitalidad Arubiano, contribuyendo na un futuro prospero pa Aruba. Conoce mas di loke ta pasando na AUA Airport y dor di bishita www.airportaruba.com y conecta cu AUA airport riba [Twitter.com/Aruba_Airport](https://twitter.com/Aruba_Airport), [Facebook.com/ArubaAirport](https://facebook.com/ArubaAirport), [Instagram.com/arubaairport/](https://instagram.com/arubaairport/) and [LinkedIn.com/ArubaAirport](https://linkedin.com/ArubaAirport).

Fecha, 18 di augustus, 2023



Trekingslijst van de Landsloterij

10de trekking																	17 augustus 2023																
TIERE TALLEN	TWERE DUZIERND	3969 125	6073 150	8725 150	10719 150	12751 150	15010 150	17395 150	19464 150	21569 125	23719 150	25922 500	28009 150	30197 150	32064 150	34132 150																	
11 100	2011 100	3969 125	6073 150	8725 150	10719 150	12751 150	15010 150	17395 150	19464 150	21569 125	23719 150	25922 500	28009 150	30197 150	32064 150	34132 150																	
13 150	2044 150	3969 125	6073 150	8725 150	10719 150	12751 150	15010 150	17395 150	19464 150	21569 125	23719 150	25922 500	28009 150	30197 150	32064 150	34132 150																	
39 150	2069 200	3969 125	6073 150	8725 150	10719 150	12751 150	15010 150	17395 150	19464 150	21569 125	23719 150	25922 500	28009 150	30197 150	32064 150	34132 150																	
52 150	2076 150	4011 100	6146 150	8869 125	10773 150	12851 150	15138 150	17511 100	19552 150	21764 150	23901 150	26090 150	28090 150	30311 100	32152 150	34264 150																	
53 200	2105 150	4027 150	6164 150	8874 150	10779 150	12862 150	15164 150	17548 150	19557 150	21769 125	23911 100	26111 100	28111 100	30324 150	32164 150	34269 125																	
64 150	2111 100	4029 150	6169 125	8895 150	10811 100	12864 150	15169 125	17564 150	19564 150	21776 150	23917 150	26115 150	28115 150	30329 150	32169 125	34303 150																	
69 200	2120 150	4031 150	6179 125	8915 150	10821 150	12869 150	15179 125	17574 150	19569 150	21784 150	23921 150	26119 150	28119 150	30334 150	32174 150	34314 150																	
70 150	2123 150	4044 150	6230 150	8911 150	10864 150	12869 150	15211 100	17571 150	19568 150	21811 100	23928 150	26118 150	28118 150	30349 125	32189 150	34312 150																	
2164 150	4069 200	6244 150	8946 150	10869 125	12911 100	15232 150	17611 100	19569 125	21844 150	23940 100	26111 100	28119 125	30349 150	32206 150	34324 150	34324 150																	
2169 125	4082 150	6264 150	8960 150	10911 100	12914 150	15235 150	17635 150	19611 100	21853 150	23964 150	26113 150	28119 150	30376 150	32211 100	34364 250	34364 250																	
2172 150	4101 150	6269 125	8964 150	10944 150	12938 150	15258 150	17664 150	19620 150	21864 150	23969 125	26114 150	28179 150	30384 150	32222 150	34369 125	34369 125																	
2176 150	4102 900	6293 150	8969 125	10963 100	12964 150	15264 150	17669 125	19624 150	21869 125	23974 150	26115 150	28189 150	30411 150	32223 150	34401 150	34401 150																	
2181 150	4103 150	6319 150	8974 150	10969 150	12969 150	15269 150	17674 150	19629 150	21874 150	23979 150	26116 150	28194 150	30416 150	32224 150	34411 150	34411 150																	
2185 150	4104 150	6326 150	8981 150	10969 125	12993 150	15269 150	17687 150	19644 150	21906 150	23984 150	26117 150	28204 150	30421 150	32224 150	34416 150	34416 150																	
2189 150	4105 150	6333 150	8986 150	10974 150	12994 150	15269 150	17702 150	19649 125	21907 150	23989 150	26118 150	28204 150	30426 150	32224 150	34421 150	34421 150																	
2193 150	4106 150	6340 150	8991 150	10979 150	12999 150	15269 150	17711 150	19654 150	21911 150	23994 150	26119 150	28209 150	30431 150	32224 150	34426 150	34426 150																	
2197 150	4107 150	6347 150	8996 150	10984 150	13004 150	15269 150	17721 150	19659 150	21916 150	23999 150	26120 150	28214 150	30436 150	32224 150	34431 150	34431 150																	
2201 150	4108 150	6354 150	9001 150	10989 150	13009 150	15269 150	17731 150	19664 150	21921 150	24004 150	26121 150	28219 150	30441 150	32224 150	34436 150	34436 150																	
2205 150	4109 150	6361 150	9006 150	10994 150	13014 150	15269 150	17741 150	19669 150	21926 150	24009 150	26122 150	28224 150	30446 150	32224 150	34441 150	34441 150																	
2209 150	4110 150	6368 150	9011 150	10999 150	13019 150	15269 150	17751 150	19674 150	21931 150	24014 150	26123 150	28229 150	30451 150	32224 150	34446 150	34446 150																	
2213 100	4111 100	6375 150	9016 150	11004 150	13024 150	15269 150	17761 150	19679 125	21936 150	24019 150	26124 150	28234 150	30456 150	32224 150	34451 150	34451 150																	
2217 150	4112 150	6382 150	9021 150	11009 150	13029 150	15269 150	17771 150	19684 150	21941 150	24024 150	26125 150	28239 150	30461 150	32224 150	34456 150	34456 150																	
2221 150	4113 150	6389 150	9026 150	11014 150	13034 150	15269 150	17781 150	19689 150	21946 150	24029 150	26126 150	28244 150	30466 150	32224 150	34461 150	34461 150																	
2225 150	4114 150	6396 150	9031 150	11019 150	13039 150	15269 150	17791 150	19694 150	21951 150	24034 150	26127 150	28249 150	30471 150	32224 150	34466 150	34466 150																	
2229 150	4115 150	6403 150	9036 150	11024 150	13044 150	15269 150	17801 150	19699 150	21956 150	24039 150	26128 150	28254 150	30476 150	32224 150	34471 150	34471 150																	
2233 150	4116 150	6410 150	9041 150	11029 150	13049 150	15269 150	17811 150	19704 150	21961 150	24044 150	26129 150	28259 150	30481 150	32224 150	34476 150	34476 150																	
2237 150	4117 150	6417 150	9046 150	11034 150	13054 150	15269 150	17821 150	19709 150	21966 150	24049 150	26130 150	28264 150	30486 150	32224 150	34481 150	34481 150																	
2241 150	4118 150	6424 150	9051 150	11039 150	13059 150	15269 150	17831 150	19714 150	21971 150	24054 150	26131 150	28269 150	30491 150	32224 150	34486 150	34486 150																	
2245 150	4119 150	6431 150	9056 150	11044 150	13064 150	15269 150	17841 150	19719 150	21976 150	24059 150	26132 150	28274 150	30496 150	32224 150	34491 150	34491 150																	
2249 150	4120 150	6438 150	9061 150	11049 150	13069 150	15269 150	17851 150	19724 150	21981 150	24064 150	26133 150	28279 150	30501 150	32224 150	34496 150	34496 150																	
2253 150	4121 150	6445 150	9066 150	11054 150	13074 150	15269 150	17861 150	19729 150	21986 150	24069 150	26134 150	28284 150	30506 150	32224 150	34501 150	34501 150																	
2257 150	4122 150	6452 150	9071 150	11059 150	13079 150	15269 150	17871 150	19734 150	21991 150	24074 150	26135 150	28289 150	30511 150	32224 150	34506 150	34506 150																	
2261 150	4123 150	6459 150	9076 150	11064 150	13084 150	15269 150	17881 150	19739 150	21996 150	24079 150	26136 150	28294 150	30516 150	32224 150	34511 150	34511 150																	
2265 150	4124 150	6466 150	9081 150	11069 150	13089 150	15269 150	17891 150	19744 150	21999 150	24084 150	26137 150	28299 150	30521 150	32224 150	34516 150	34516 150																	
2269 150	4125 150	6473 150	9086 150	11074 150	13094 150	15269 150	17901 150	19749 150	22004 150	24089 150	26138 150	28304 150	30526 150	32224 150	34521 150	34521 150																	
2273 150	4126 150	6480 150	9091 150	11079 150	13099 150	15269 150	17911 150	19754 150	22009 150	24094 150	26139 150	28309 150	30531 150	32224 150	34526 150	34526 150																	
2277 150	4127 150	6487 150	9096 150	11084 150	13104 150	15269 150	17921 150	19759 150	22014 150	24099 150	26140 150	28314 150	30536 150	32224 150	34531 150	34531 150																	
2281 150	4128 150	6494 150	9101 150	11089 150	13109 150	15269 150	17931 150	19764 150	22019 150	24104 150	26141 150	28319 150	30541 150	32224 150	34536 150	34536 150																	
2285 150	4129 150	6501 150	9106 150	11094 150	13114 150	15269 150	17941 150	19769 150	22024 150	24109 150	26142 150	28324 150	30546 150	32224 150	34541 150	34541 150																	
2289 150	4130 150	6508 150	9111 150	11099 150	13119 150	15269 150	17951 150	19774 150	22029 150	24114 150	26143 150	28329 150	30551 150	32224 150	34546 150	34546 150																	
2293 150	4131 150	6515 150	9116 150	11104 150	13124 150	15269 150	17961 150	19779 150	22034 150	24119 150	26144 150	28334 150	30556 150	32224 150	34551 150	34551 150																	
2297 150	4132 150	6522 150	9121 150	11109 150	13129 150	15269 150	17971 150	19784 150	22039 150	24124 150	26145 150	28339 150	30561 150	32224 150	34556 150	34556 150																	
2301 150	4133 150	6529 150	9126 150	11114 150	13134 150	15269 150	17981 150	19789 150	22044 150	24129 150	26146 150	28344 150	30566 150	32224 150	34561 150	34561 150																	
2305 150	4134 150	6536 150	9131 150	11119 150	13139 150	15269 150	17991 150	19794 150	22049 150	24134 150	26147 150	28349 150	30571 150	32224 150	34566 150	34566 150																	
2309 150	4135 150	6543 150	9136 150	11124 150	13144 150	15269 150	18001 150	19799 150	22054 150	24139 150	26148 150	28354 150	30576 150	32224 150	34571 150	34571 150																	
2313 150	4136 150	6550 150	9141 150	11129 150	13149 150	15269 150	18011 150	19804 150	22059 150	24144 150	26149 150	28359 150	30581 150	32224 150	34576 150	34576 150																	
2317 150	4137 150	6557 150	9146 150	11134 150	13154 150	15269 150	18021 150	19809 150	22064 150	24149 150	26150 150	28364 150	30586 150	32224 150	34581 150	34581 150																	
2321 150	4138 150	6564 150	9151 150	11139 150	13159 150	15269 150	18031 150	19814 150	22069 150	24154 150	26151 150	28369 150	30591 150	32224 150	34586 150	34586 150																	
2325 150	4139 150	6571 150	9156 150	11144 150	13164 150	15269 150	18041 150	19819 150	22074 150	24159 150	26152 150	28374 150	30596 150	32224 150	34591 150	34591 150																	
2329 150	4140 150	6578 150	9161 150	11149 150	13169 150	15269 150	18051 150	19824 150	22079 150	24164 150	26153 150	28379 150	30601 150	32224 150	34596 150	34596 150																	
2333 150	4141 150	6585 150	9166 150	11154 150	13174 150	15269 150	18061 150	19829 150	22084 150	24169 150	26154 150	28384 150	30606 150	32224 150	34601 150	34601 150</																	

Minister Geoffrey Wever:

Pa fortifica maneho coherente pa desaroyo sostenibel mester bin cu mecanismonan necesario

Recientemente Minister Wever den colaboracion cu Comision Nacional di Sustainable Development Goals, Comision SDG, a organisa tres mainta di sesion di trabou pa conduci un evaluacion (nulmet-

ing) di e mecanismonan cu Aruba tin pa avansa coherencia den maneho pa desaroyo sostenibel. Desaroyo sostenibel ta consisti di tres dimensionan, esta e aspecto economico, social y medio-ambi-

ental. Ta esencial pa crea e harmonia y integracion den su totalidad pa por avansa sosteniblemente. Ta importante pa segura cu maneho ta coherente y cu e diferente sector ta yuda otro y no ta traha contra otro.

Obhetivo di e evaluacion ta pa haya sa unda Aruba ta para actualmente y bin cu recomendacionnan den un plan di accion pa mehora e mecanismonan actual, mientras ta desaroya mecanismonan nobo unda ta necesario. E evaluacion ta den cuadro di meta 17.14 di SDGs, esta, “fortifica coherencia den maneho pa desaroyo sostenibel” y a wordo haci usando e metodologia prescribi pa Nacionnan Uni den cuadro di e indicador pa e midi e meta aki.

E 'scope' di e evaluacion ta regarda e siguiente temanan: institucionalisacion di compromiso politico; consideracionnan riba termino largo; coordinacion inter-ministerial y cross-sectoral; proceso participativo; integracion di e tres dimensionan di desaroyo sostenibel y analisis di e efectonan di maneho y alineamento/coherencia den maneho; monitoreo y raportahe di coherencia den maneho; recursonan financiero y instrumentonan financiero.

Pa fortifica coherencia den maneho pa desaroyo sostenibel tin mester di mecanismonan (procesonan y sistemanan) efectivo pa por efectua esaki continuamente. Mehoracion di maneho abase di mecanismonan efectivo ta un proceso compleho cu ta regarda e manera di traha di

gobierno den su totalidad. Mirando e complehidad di esaki, resultado di mehoracion di e mecanismonan lo ta a termino largo pa cual lo traha cu un ‘phased-approach’ den cual lo cuminsa traha riba e fundeshi necesario a corto plaso pa por realiza e metanan a largo plaso. E nivel mas basico di coherencia den maneho ta pa identifica e compromisonan (trade-offs) y mitiga impacto negativo entre diferente sectornan. Na un nivel mas ambicioso, coherencia den maneho ta fortifica sinergianan cu ta reforsa otro y segura cu e maneho ta uno cu por wordo implementa, y sostenibel na mes

momento. Esaki tur tumando den consideracion e perspectiva di e stakeholders concerni.

E evaluacion di a wordo haci bou guia di Ministerio di Asuntonan Economico, Comunicacion y Desaroyo Sostenibel, den colaboracion cu e Comision di SDG. E Comision di SDG ta un comision inter-departamental y inter-ministerial y a haci recomendacion con por mehora mecanismonan pa avansa coherencia den maneho pa desaroyo sostenibel.

Presente na e sesionann tabata: Directie Buitenlandse Betrekkingen; Directie Economische Zaken, Handel en Industrie; Directie Natuur en Milieu; Directie Sociale Zaken, Directie Onderwijs, Directie Arbeid en Onderzoek; Centraal Bureau Statistiek; Directie



Financiën; UNESCO-Aruba; representante di Ministerie van Algemene Zaken, Overheidsorganisatie, Innovatie, Ruimtelijke Ontwikkeling en Infrastructuur; y representante di Ministerie van Economische Zaken, Communicatie en Duurzame Ontwikkeling.

E meta ta pa abase di e resultado di e evaluacion y e recomendacionnan haci, pa cuminsa un trayecto pa desaroya un plan di accion pa mehora e coherencia den maneho pa desaroyo sostenibel.

“Coherencia den e dimensionan di desaroyo sostenibel tin su complehidad y mester como base mecanismonan efectivo pa mehora coherencia den maneho pa desaroyo sostenibel. Colaboracion entre departamentonan y colaboracion inter-ministerial ta esencial den esaki. Nos a cuminsa encamina e trayecto pa traha riba e mecanismonan gubernamental pa mehora e maneho di desaroyo sostenibel. Esaki ta un proceso cu lo duna resultado long-term, pero pa cual e prome stapnan mester wordo tuma awo”, minister Wever a duna di comenta.

President van het Hof ziet Abraham



De President van het Gemeenschappelijk Hof van Justitie, de heer Mauritsz de Kort, viert zijn 50e verjaardag, en dit bijzondere moment is niet onopgemerkt gebleven. Vanochtend werd hij aangenaam verrast door zingende collega's bij de

ingang van Kas di Korte, en er werd ook op hem geproost. Moge dit nieuwe jaar vervuld met grenzeloze vreugde, stralende gezondheid en onvergetelijke momenten. Masha pabien, Mauritsz


CICLO BASICO COLEGIO ARUBANO A TENE SU ANOCHI DI INFORMACION PA MAYORNAN



Recientemente Ciclo Basico Colegio Arubano a tene su anochi di informacion pa mayornan di e alumnonan cu a cuminsa Ciclo Basico 1 nivel Havo/Vwo na e aña escolar nobo. Riba

e anochi informativo aki mayornan a ricibi un map di Colegio cu informacion importante tocante reglanan di scol y informacion tocante fechanan venidero cu mester tene na cuenta.

E anochi a habri cu palabranan di bon bini na Colegio Arubano di e rector di Colegio Arubano Sr. Tim Croes y despues sigui pa un presentacion extenso di e conrectrice di Ciclo Basico Sra. Jennifer Arends-Reyes. Durante e presentacion a toca temanan importante pa mayornan ta bon informa y pa tene na cuenta cu ne, awor cu e alumno ta bira un alumno di scol secundario. Na final di e anochi a duna oportunidad pa hasi pregunta y a clausura e anochi caminda mayornan a bai satisfecho y cla pa yuda prepara nan yinanan pa nan carera escolar na Colegio Arubano. Despues di dos aña di Ciclo Basico e alumno lo sigui su carera na Ciclo Avansa den klas 3 sea ta riba nivel di Havo of Vwo. Colegio Arubano ta keda un scol popular y reconoci den nos comunidad caminda generacionan di famia ta logra caba Colegio cu exito pa despues sigui nan carera ariba nivel avansa na Aruba, na Hulanda,



Merca, Canada of den region y bira profesionalnan den comunidad. Colegio Arubano ta traha duro ariba e parti di formacion y guia di e hoben y ta percura pa keda actual den e curiculo y material cu e ta brinda na su alumnonan.

Ciclo Basico durante aña ta percura pa su alumnonan tin varios actividad pa forma parti di dj'e banda di e programa escolar. De-seando tur e personal, y alumnonan hopi exito pa e aña escolar nobo cu hopi energia, positivo y animo.



			8		1			
						4	3	
5								
				7		8		
						1		
	2			3				
6							7	5
		3	4					
			2			6		

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Esaki ta e siman pa entrega Formulario di Scol pa aña escolar 2023/2024

'Schooluitkering' & 'Ouderlijke bijdrage' 2023/2024

Ayudo financiero pa tur persona (3-24 aña) den bijsland normal of 'guns', cu ta bay scol regular den dia, kleuter, scol basico, secundario of scol Duna un Man.

'Schooluitkering' (Subsidio Escolar):

Ayudo pa cubri gastonan di scol: AWG 220,- p/p te cu maximo AWG 800,- pa famia.

Pago hunto cu e bijsland 9 september 2023.

'Ouderlijke Bijdrage' (Contribucion di Mayor):

Ayudo pa cubri contribucion di mayor: Maximo AWG 120,- p/p. Si e ta mas, mayor mester paga e diferencia. Pago direct na scol.

Importante:

- Busca entrante 18 augustus 2023 e formulario na scol.
- Yen'e bon y completo.
- Entreg'e hunto cu e carnet di bijsland segun e "Schedule di Entrega".

Si no cumpli:

- Bo bijsland ta baha.
- Blokea bijsland sept. 2023.
- No lo ricibi 'kindertoelage' mensual mas.
- No lo ricibi 'Schooluitkering' y 'Ouderlijke Bijdrage' 2023/2024.

Schedule di Entrega di Formulario di Scol 2023/2024

Wak riba bo carnet di bijsland e letter despues di letter O:

► Bijstnr.: 0 ☐ - 0 2 5 6

LETTER CARNET:	FECHA:
Letter A t/c E	21 aug. 2023
Letter F t/c L	22 aug. 2023
Letter M t/c S	23 aug. 2023
Letter T t/c Z	24 aug. 2023
Letter A t/c Z cu no a logra riba su dia	25 aug. 2023

► Luga: DAS San Nicolas
► Orario: 8:00 am - 11:00 am
1:00 pm - 3:30 pm

Departamento di Asunto Social

Final Durante e siman aki e seccion completo di bijsland ta bay ta hopi ocupa y si bo persona tin cualkier pregunta, ta consehabel pa por favor presenta riba bo dia stipula y haci bo pregunta(nan) personalmente na e persona cu ta atende bo persona.

DAS kier invita bo pa 'like' nos pagina di Facebook "Departamento di Asunto Social" y keda bon informa

ORANJESTAD – Por medio di esaki Departamento di Asunto Social (DAS) kier recorda tur persona den bijsland cu entrante di luna 21 di augustus 2023 lo cuminsa e siman di entregamento di Formulario di Scol pa aña escolar 2023/2024. Importante Tur persona den bijsland a ricibi e 'Schedule di Entrega' pa asina sa riba ki dia bo persona mester acudi

na DAS San Nicolas pa entrega esaki. E orario ta for di 8:00 am te 11:00 am y di 1:00 pm te cu 3:30 pm. Ta hopi importante pa bo persona wak riba bo carnet di bijsland e letter despues di e letter O pa asina sa riba ki dia bo persona mester acudi cu e Formulario di Scol yena hunto cu e carnet di bijsland. Cumpli cu nos pa nos por cumpli cu bo

Pa tur persona cu pa un otro motibo no a logra riba su dia stipula, por haci uzo di e ultimo dia esta diabierna 25 di augustus 2023, pa entrega esaki. Si bo persona no entrega e Formulario di Scol riba e ultimo dia cu ta diabierna 25 di augustus 2023, lamentablemente ta perde e derecho di ricibi e ayudo financiero extra pa aña escolar 2023/2024.

Pa abona na SOLO DI PUEBLO Yama 585 9500

Manda nos un e-mail na solodipueblo@gmail.com



Entrega tur dia te den bo port'i cas

Ta mira bek riba desaroyo di KPA

CUERPO POLICIAL ARUBA A CELEBRA 37 ANIVERSARIO



MACUARIMA, ARUBA: 16 augustus 2023 Cuerpo Policial Aruba a celebra su 36 aniversario.

A celebra e gran dia aki cu un Santo di sacrificio na Misa di Sagrado Curason na Savaneta.

Den presencia di alto-comisario di polis drs. Ramon Arnhem, Minister di Husticia y Asuntonan Social Sr. Rocco Tjon, Presidente di Parlamento Sr. Edgar Vrolijk, parlamentarionan Sra. Marisol

Lopez- Tromp y Sr. Alvin Molina. Nos personal administrativo y agentenan policial conhuntamente cu nos pensioenadonan a celebra e dia importante aki.

Altocomisario Arnhem ta mira 1año di cambio positivo pa e organisacion cu e mes ta guiando. “Durante mi tempo mi a sinti mi na cas aki na Aruba cu un bon aceptacion pa e comunidad y coleganan. Hopi desaroyo y cambio pa e personal di KPA durante ultimo temo pa asina por sigui inverti den cada un persona den e cuerpo pa asina por sigui eleva y desaroyo KPA na e siguiente nivel cu ta necesario. Un bon cuerpo cu ta balor tur su personal pero tambe un bon doño di trabou manteniendo un bon conexion cu otro.” Tabata altomisario di Polis durante su speech

Awendia nos por conta cu mas o menos 600 polis y personal administrativo trahando incansabelmente pa brinda segu-

ridad na nos pueblo. Ta trata aki di hende homber y muhernan balente trahando den 4 distrito, cu ta warda di Polis situa na Oranjestad, Noord, San Nicolas y Santa Cruz.

Durante aña nos por conta cu diferente unidadnan special cu ta forma parti di nos organisacion manera: Unidad motorisa, Unidad Canino, Team di aresto, Mobiele Eenheid, Duik Team, Kust surveillance, Helicopter unit, Surveillance, Team Narcotica, Unit Georganiseerde Criminaliteit, Radarkamer y sin lubida e departamentonan conoci di recherche cu ta bon entrena y capacita pa investiga y soluciona casonan mas complica.

Durante aña Cuerpo Policial Aruba su nomber ta wordo reconoci cu hopi respet internacionalmente entre otro manera DEA, FBI, RCMP, Force Protection Agency, ACCP y IACP. Tambe trahando den cooperacion estrecho cu Cuerpo di Polis di Reino



Hulandes manera, Korps Politie Rotterdam, Rijkmond, KLPD, RST, Korps Politie Curacao, Korps Politie Carabische Nederland y mucho mas.

Comunidad por ta orguyoso di su Cuerpo Policial Aruba awe. 37año di crecimiento y lo sigui crece cu

bista riba futuro. Pabien na cada un colega policial y personal administrativo cu ta haci nan trabou cu dedicacion, tempo y pasion pa brinda lo mihor pa pais Aruba. Sin lubida danki na cada famia pa nan aprecio, comprension y sosten na cada polis cu ta sirbi Pais Aruba.



MINISTER MADURO TA FELICITA MARLENE LAMPE KENDE A CUMPLI 45 AÑA DEN SERVICIO DI GOBIERNO



cuminsa como 'schrijver' y a traha cu varios artista local, artesano y actor, cu e inspiracion y guia di Lio Booi. Marlene semper a aprecia e contribucion di e legendario Lio Booi na su desaroyo y ta anima pa sigui promove e identidad cultural di Aruba. Pa Marlene, su trabou den cultura no ta solamente un obligacion, pero ta un pasion y amor grandi pa su isla. Marlene a sa di desaroya su mes pa asina lidera varios proyecto y a forma parti di varios actividad pa promove e cultura di Aruba. Marlene tabata un di e personanan cu tabata yuda organisa Watapana Festival cu a bira despues Bon Bini Festival. Marlene a forma parti tambe di SAC guiando Aruba su Carnaval y a yuda tambe den e organizacion di Aruba Jazz and Latin Festival. Cu tempo Marlene tambe a conoce e cambionan cu a hiba na Departamento di Cultura manera nos conoce awendia. Na aña 2008, Instituto di Cultura a bira Departamento di Cultura Aruba (DCA) y Marlene a keda asigna pa coordina diferente proyecto den seccion di Implementacion. Den e ultimo añanan, Marlene tabata tin na su encargo pa organisa e actividad di 'San Juan Dera Gay' pa e scolnan preparatorio y basico. Marlene a colabora tambe cu su coleganan di Seccion di Implementacion di DCA pa organisa e proyectonan di Arte di Palabra, Gang di Arte, Contacto Cultural y diferente proyecto di e GO- y NGO-nan. Marlene tabata miembro tambe di Comision Celebracion Dianan Nacional (CCDN). Marlene tin un trayectoria largo di trabou na bienestar di Aruba su Cultura cu ta di aprecia, y awo na



Recientemente, sra. Rhoda Marlene Lampe, miho conoci como Marlene, a celebra 45 aña den servicio di Gobierno di Aruba, trahando na Departamento di Cultura. Pa e bunita ocasion aki Minister Maduro a repasa hunto cu Marlene, su famia y coleganan, e trabounan haci pa Marlene cu hopi dedicacion y amor na bienestar di cultura di Aruba.

Na un edad hoben Marlene a cuminsa traha dia 9 di augustus 1978 y a haya e oportunidad unico pa cuminsa traha hunto cu e legendario Hubert 'Lio' Booi (d.f.m.), den e organizacion nobo cultural e tempo eynan, Instituto di Cultura (ICA). E organizacion aki a nace pa fortalece aprecio pa e balornan cultural di nos isla. Eynan Marlene a

PRONOSTICO DI TEMPO

VALIDO TE DIASABRA 19 DI AUGUSTUS 2023, 18:00 ORA

TEMPO:
AWE TARDI Y AWE NOCHI: PARCIALMENTE NUBLA CU UN AWACERO LOCAL
DEN MARDUGA Y MAYAN: VARIABLEMENTE NUBLA CU UN AWACERO BREVE

TEMPO TROPICAL SIGNIFICANTE:
UN AREA DI PRECION ABOU TA COMPAÑA UN OLA TROPICAL DEN ATLANTICO CENTRAL, WEST- ZUIDWEST DI ISLANAN CABO VERDE. E SISTEMA AKI TIN UN CHANCE MEDIO
GRANDI DI SIGUI DESAROYA Y BIRA UN CYCLON TROPICAL DURANTE PROXIMO 2 TE 7 DIA.

UN OTRO AREA DI PRECION ABOU TA COMPAÑA UN DI DOS OLA TROPICAL DEN OOST DI ATLANTICO, WEST DI ISLANAN CABO VERDE. E SISTEMA AKI TIN UN CHANCE MEDIO GRANDI DI SIGUI DESAROYA Y BIRA UN CYCLON TROPICAL DURANTE PROXIMO 2 DIA Y GRANDI DURANTE PROXIMO 7 DIA.

POTENCIAL DI AWACERO PA PROXIMO 24 ORA:
1 TE 3 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO BREVE. BIENTO LO TA FOR DI DIRECCION OOST Y MODERA TE BASTA FUERTE, POSIBLEMENTE FUERTE DEN RAFAGA;
TEMPERATURA (GRADO CELSIUS)
MAX / MIN LO TA: 34 / 28



Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 17 Aug 2023 Anochi





Sorteo # 8020

4402


3288

1340


X2


Sorteo # 7064

5785


Sorteo # 1769

5317



Sorteo # 5823


9640

Libra


Sorteo # 753

178

FP



Sorteo #

0 x Jackpot

0 x Match 4+

0 x match 4

0 x Afl. 12,00

Joker

Letter

Proximo Jackpot

400.000,-



Sorteo # 6211

0 x Jackpot


5 x Match 4

160 x Afl. 8,00

01-13-15-21-24

Proximo Jackpot

83.000,-



Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball:

Proximo Jackpot

350.000,-



Sorteo #

0 x Jackpot


0 x match 4

0 x Afl. 500,00


0 x Afl. 50,00


0 x Afl. 15,00

Afl. 460.000,-



Sorteo #





Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 18 Aug 2023 Merdia




Sorteo # 4006

3120


2890

7983

X2


Sorteo # 4006

2276


Sorteo # 2062

5200



Sorteo # 4006


2448

Capricornio


Sorteo # 880

345

X2



Sorteo #

0 x Jackpot

0 x Match 4+

0 x match 4


0 x Afl. 12,00

Joker

Letter

Proximo Jackpot

400.000,-



Sorteo #


0 x Jackpot

0 x Match 4

0 x Afl. 8,00

Proximo Jackpot

83.000,-



Sorteo #

0 x Jackpot

0 x match 4

0 x Afl. 500,00


0 x Afl. 50,00

0 x Afl. 15,00

Mega Ball:

Proximo Jackpot

350.000,-



Sorteo #

0 x Jackpot

0 x match 4

0 x Afl. 500,00

0 x Afl. 50,00



0 x Afl. 15,00

Afl. 460.000,-



Sorteo #





“ Ma nos cuidadania ta den shelu,
for di unda nos ta spera ansiosamente
pa un Salvador, e Señor Jesu-Cristo,”

Filipensenan 3:20

Cu hopi tristeza pero conforme cu boluntad di Dios,



Ta anuncia fayecimento di

Sra. vda. Rosa Maria Tromp - Lopez

Na bida suegra di nos director Alwin Boekhoudt y
wela di Jennaline Boekhoudt

Palabra di profundo condolencia y hopi forza na Famia Tromp – Lopez,
yuinan, nieto (a) nan y demas famianan
den e dianan difcil aki

Cu “ Sra. vda. Rosa ” sosega na paz den brasa di Señor



Publica serka nos anuncio di fayecimento di bo ser kerí.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiaro 22 Afl 400,00

Pa mas informashon por tuma contacto cu oficina na
585-9500 of na 741-4554 puntra pa